

山木居士外集

四禮通俗序

聞之禮時爲大順次之體次之宜次之稱次之蓋自古一代之興必制爲一代之禮以垂世而立教善俗而宜民所謂非天子不議禮此禮之以時爲大也我

朝隆興首重禮制

聖聖相承

欽定大清會典一書自崇德元年以來至

皇上乾隆二十九年而

禮制大定輔以則例

頒行天下。雲漢爲昭。蓋周官儀禮之精。

會典備焉。此天下臣民所共率。由而罔敢或斁者也。而至於器數之末。若籩豆鉶敦之屬。

許以時製代用。蓋

聖天子曲體人情。深知備物致用之難。所謂修其教。不易其俗。齊其政。不易其宜者也。仕驥草莽之臣。幸得恭讀。

會典敬謹尋繹其義。時與同志之士。講明而肄習焉。族父厚畬先生。因示以四禮通俗一編。則皆原本。

會典之意。而用以教訓正俗者也。先生少治羣經。求爲有用作令。

中州所歷多衝途先生矻矻治民事不失迎送之節而往來賓客皆敬之先生自謂此得於誦讀左氏傳之功蓋以子產之事大爲法也歸而所見日進深念禮者人治之大而兢兢然奉

會典以教人以見我

朝制作之精直與周官儀禮相爲損益而非漢唐以下因陋就寡一時苟簡之制所能擬也斯編雖僅爲鄉里而設而閭巷之間相習成風相蒸成俗共凜爲下不倍之義式歸

聖朝蕩平正直之極亦庶幾古者士大夫歸而教於其鄉之意也與

頌揚得體可謂高文典冊矣

南城陶氏譜序

周禮太宰之職以九兩繫邦國之民。五曰宗。以族得民。民之生也。紛紛籍籍。無所繫屬。則散。散則離。離則攘奪爭鬪。靡所不有。勢不至如鳥獸之弱肉強食不止。故聖人立法以繫屬之。然宗法之起。原於封建。故九兩先牧長師儒而後及宗。蓋有國而後有家。有家而後有宗。宗之所繫者其族也。族者類也。以宗繫族。族繫於宗。如絲之聯如繩之貫。井井乎其不可緼也。繩繩乎其不可離而析也。易曰。君子以類族辨物。傳曰。神不歆非類。民不祀非族。言各有所繫也。自封建廢。宗法不立。而氏族緼民。幾於無所繫恃。有世譜以

紀之故晉唐以來士大夫尤重門第夫亦古者宗法之遺也蓋古者受氏別族其先類皆賢達之人有功德於斯世迨其後也或無數傳而微或歷久而益顯大抵視其功德之大小以爲世之久近而其功德之尤大者雖歷世久遠其宗已墜而其清明之氣綿綿延延未嘗止息其支庶猶能繼起而特以賢著然雖以賢著而各以其氏爲族且各以所居之地爲族亦古者小宗不敢祖大宗之意也故宋蘇洵氏論族譜謂後世惟小宗法可以通行於士大夫蓋深於禮意者也我建昌南城之有陶氏也其先蓋有所自來然土著於斯數百年世多賢人天下蓋莫不知南城之有陶氏爲望

族矣。其族既大。其生齒日衆。譜亦屢修。今適齋之爲此譜也。紀子
姓彰先德。謹其所自出。而不敢及其遠。夫亦猶行蘇氏之意也。夫
以南城之陶。繫南城之族。如絲之聯。如繩之貫。井井乎其不可緼
也。纏纏乎其不可離而析也。夫既有所繫矣。余嘗論譜法。以蘇氏
爲善。因適齋之爲此譜。而慨然有感也。於是乎書。

陶適齋曰。文亦一片清明之氣。荀韓二子之滴派也。

中溪魯氏四修宗譜序

古者世譜掌於官。出其門地族望爲之辨。婚姻敘銓選典莫重焉。唐宋以來世譜漸散。族姓亦混。於是士大夫始自爲譜。以敦一本之親。而廬陵歐陽氏眉山蘇氏崑山歸氏山陰劉氏寧波萬氏之譜。最著此數君子者。皆深於經術。能文章。其所爲譜。具載於其文集中。好古之士得而稽考也。歐陽氏之譜遠及可知之始祖。用以五爲九之法。五世一提。九世再提。然自始祖而下。並詳其所出。至於五世而提。則獨詳其本支之祖之所出。蓋於同宗之中。寓別族之意。此所謂宗譜也。蘇氏之譜。則以作譜者爲斷。而上及於高祖。

由高祖而下。詳其所出。高祖以上。則不及焉。以其親盡也。其法曰。凡嫡子而後得爲譜。爲譜者。皆存其高祖。而遷其高祖之父。世世存其先人之譜。無廢也。而其不及高祖者。自其得爲譜者之父始。而存其所宗之譜。又著其說曰。古者有大宗。有小宗。凡今天下之人。惟天子之子與始爲大夫者。而後可以爲大宗。其餘則否。獨小宗之法。猶可施於天下。故爲族譜。其法皆從小宗。故蘇氏之譜。稱曰族譜。其見於譜者。皆有服之親也。而歸氏之論譜例。則曰。歐蘇二家之書。小異而大同。其法皆使人各自爲譜。而各詳其宗。由是譜大備。而可以至於無窮。然蘇氏族譜從小宗。而虛其大宗之法。

予則以爲古者有大宗而後有小宗。小宗世世變易而爲大宗者。不變。是以祖遷於上。宗易於下。而不至於散者。大宗以維之也。大宗廢則小宗之法亦無所恃。以能獨施於天下。故歸氏之譜自始祖以下。其世次名諱靡不載焉。其說以爲不必定以爲宗法。而宗法寓乎其中。此則所謂大宗譜也。今之爲譜者。大率從此。至山陰劉氏譜。則用以三爲五之法。自始祖而下。截然五世。各自爲譜。而悉貫於始祖。蓋以一大宗譜統無數小宗譜。宗之與族。釐然各辨。合中有分。分而仍合也。寧波萬氏譜。則意主乎簡要。由始祖而直貫乎生世之子孫。絲聯繩貫。一目可了。此五氏之譜之不同者如。

此○然○其○意○皆○在○於○篤○親○勸○善○述○往○事○最○來○者○於○凡○先○人○之○善○無○有○
不○載○此○則○從○同○者○也○愚○竊○嘗○私○論○之○蘇○氏○之○譜○在○當○日○爲○隘○而○于○
今○日○爲○宜○今○之○爲○譜○者○宜○從○蘇○氏○必○不○得○已○而○爲○大○宗○譜○則○惟○劉○
氏○譜○可○從○何○也○宋○制○士○大○夫○非○三○品○以○上○有○封○爵○謚○號○者○不○得○立○
家○廟○而○家○廟○之○立○亦○不○得○上○及○遠○祖○其○宗○族○紛○然○渙○散○非○有○宗○譜○
幾○不○知○爲○誰○氏○之○子○孫○故○蘇○譜○在○當○日○爲○隘○也○

聖○朝○孝○治○天○下○錫○類○推○恩○制○爲○品○官○家○祭○之○禮○自○一○品○至○九○品○皆○
得○立○廟○以○祀○其○高○曾○祖○禰○庶○人○雖○無○廟○而○凡○聚○族○而○居○者○
皇○恩○皆○許○其○得○立○始○遷○祖○祠○歲○時○祭○享○以○惇○宗○睦○族○則○凡○同○一○祖○

祠者皆知其爲同宗之人婚媾不通慶弔有事矣至其爲譜宜從蘇氏則親親之義以明而

律令服制之等一展卷而見若如歸氏之法宗與族淆然莫辨親親之義不明服制之等不見事固有愈廣而愈隘愈合而愈散者此類是也故歸氏欲存大宗雖曰以無法寓有法而宗法實亡蘇氏從小宗而虛其大宗之法而宗法以存然人之情每樂務乎廣博凡爲譜者類多以宗譜爲族譜則惟劉氏之譜其庶幾乎於大同之中有辨異之意親親之義可明律令服制之等易見愚平昔之持論如此去年夏魯氏有四修宗

譜之役。諸老成來諮於仕驥。仕驥舉前說以應之。辱蒙不鄙迂愚。遂舉用劉氏法以發凡起例。而以紀載先德委之仕驥。仕驥再三辭弗獲。既爲綴輯先德傳一卷。且自述其所以綴輯之意。書之於後矣。譜成復命爲序。於是歷稽昔賢譜法。序之於端。俾凡爲譜者得有所折中焉。

辨析詳明爲譜學者觀乎此。瞭如指掌矣。受業吳喜謙

東里文集序

訥菴先生既自編其所著古歌詩雜文若干卷爲東里文集而俾
仕驥論定且命以序或有問於仕驥者曰東里之文傳乎仕驥曰
傳是其爲人真其文亦稱是也其爲人也不矯異以爲高不夸詡
以爲大渾渾乎其遊于人世而人不見其同異也介介乎其中有
以自持而物莫之奪亦莫或病之也故其爲文也浩浩乎率其中
之所欲言而未嘗斤斤然執規以求圓執矩以求方而於方圓卒
未嘗不合也人之讀其文也肫肫乎如見其狀之樂易可親藹乎
春風和氣之煦物也其人如是其文如是老子曰修身者其德

字○字○殊○兩○意○稱○

○○○○○幅○東○西○寫○身○圖○

乃真東里之文有德之言也其修之于身而真者也夫文之爲道安有不真而可以存卽安有旣真而猶或不足以存者哉抑老子又曰竊兮冥兮其中有精其精甚真其中有信自古及今其名不去余是以益知東里集之傳也仕驥旣以是語客遂記其言以復于先生而以爲序先生名瑞號詡菴姓涂氏江西新城人東里其所居之巷也至其學術之所趨師友之淵源先生之文詳哉其言之矣讀者自得之也乾隆三十八年癸巳孟冬十月戊子邑人魯仕驥序

涂南池先生曰以一真字括東里之人之文可謂確評文亦超

朗疎曠脫盡窠臼

林穆菴先生遺文續刻序

余昔始從梅崖朱先生學爲古文先生與論近時作者以穆菴遺文一編示余曰此文章正體也惜其人早逝其書未具耳余受而讀之因其文以測其人則其性質之淵粹學術之深醇亦約畧而得之焉自是每與友朋論文輒樂舉其文以相示見之者無不愛慕而果堂陳君嗜之尤篤欲重刻之以廣其傳諮於梅崖先生先生因舉其所錄藏之本悉以授之曰穆菴文皆可傳其悉登之無遺也果堂於是續刻之別爲一編附於原編之後余於是又得盡讀穆菴先生之文而其爲學之次第爲政之先後亦窺見一二焉

然則雖其人早逝其書未具而其精神已著見於世矣讀者可慨然想見其爲人也刻旣成果堂俾余題其首余因識其緣起如此時乾隆四十二年歲在強圉作噩暮春月黎水後學魯仕驥謹序

穆菴遺文梅崖先生已選其精要序而刻之此序其續刻之本體製故宜如此而其筆力之高古氣味之淡渾則沐浴於子固

先生者深也

受業雲識

懷貞錄序

乾隆三十九年冬。余過綏安訪筠亭先生。先生館余於嘯月亭。居數日。有丈夫衣冠偉然。介余友李子愚菴以入。禮甚恭。問之。則余君名先麟。字某者也。坐定。手一編以進。叩之。則所求四方文人學士。闡揚其母徐夫人節孝之詩。若文而將以求余序者也。余受而讀之。則筠亭先生與李子愚菴皆有述焉。諸君子類非苟於立言者。其所述足以信今而傳後無疑也。抑余有感焉。自柏舟之詩見錄於聖人而後。世立言君子無不樂得貞節之志行而稱道之。豈獨閔其所遇之苦。誠以人之生也。大欲易流。而中人之性。因物有

遷是以先王制禮雖垂壹與之齊終身不改之典而又有中春大
會男女奔者不禁之文蓋守禮者上智之行而通之以情聖人所
以順愚下之性而大爲之坊俾不至遷流而化於物則已矣夫以
愚下者之多也而得一二守禮者皦然不滓於其中則從而長言
嗟歎之彼愚下者無亦有聞而怛然內疚於心者乎卽有不幸遇
值其苦其亦有從而興起者乎此聖人刪詩以存勸戒之意而後
世立言之君子所取以爲法者也然則茲編之詩若文諸君子雖
爲徐夫人作而意存風厲末俗俾知禮制固猶聖人之意也夫余
君得是編從而布之由是家置一編閨闈之內日諷咏其事豈無

有感而興起者乎。是則徐夫人之以禮爲教也。亦余君之孝思不
匱以錫爾類也。余感其意。慨然三歎。序以歸之。

風高煙遠。逸氣橫出。此歐陽子深有得於史記而崑山歸氏紹
之以雄視一代者也。

滄海長春錄序

筠亭先生年七十。寧化伊君訐作滄海長春圖。爲先生壽。而四方文人學士。以其詩若文壽先生者。亦累千百篇。於是先生之子若孫。合而刻之。繫圖于其首。命曰滄海長春錄。綜先生之生平。自少而壯而老。其嘉言懿行。見于諸君子之論述者。亦旣美且備矣。今先生年八十。仕驥不揣淺陋。復謬爲文。以壽先生。而其孫家恒出茲錄以示。且卽附鄙文於其後。曰。吾將更以此徵詩若文于四方也。予讀之。不禁爲三歎焉。詩曰。天生烝民。有物有則。民之秉彝。好是懿德。先生之懿德。其足繫人好者深矣。讀茲錄者。能無慨然欣。

慕而悠然想見其人乎記曰說之故言之言之不足故長言之長
言之不足故嗟歎之嗟歎之不足故不知手之舞之足之蹈之也
夫君子於懿德有同好矣能無見之于詠歌紀之于金石乎吾見
繼此而作者必更有陳風雅之義發官商之音藉先生以風示斯
世者矣時乾隆四十年春正月盱黎魯仕驥拜手謹序

亦有震川風致

潘愛亭字說序

潘君東曉其名尙暄蓋字以名繫也已而更其字曰愛亭俾余爲之說余謂君之爲此字也必自有其說矣盡請爲我誦之余爲君序焉君曰余性躁而隘於度其於人也不能和以相接也竊有慕夫冬日之可愛者焉又志氣偷惰玩愒之習多則寸陰之可惜也積是二者而立身行已重爲堂上老人憂古人所謂愛日之誠安在余是以懼焉思有以易其惡而至於大中也子更爲我益之余曰美哉君之說既備矣余何以加焉抑余聞諸梅崖子之言曰愛之爲義心受之也人未有無所愛者今夫匹夫匹婦所愛者一身

一家其心之所受者小故其所爲愛者皆私也下至閭巷之小夫
市井之惰游日逐逐於飲食博弈歌舞遊戲之場卽身家亦所弗
恤彼其心之所受者固卽在於飲食博弈歌舞遊戲也君子則不
然君子之心廓然而大公自一身推而至於天下之大天下之人
之衆旁及萬物異類羽毛鱗介昆虫草木之微其至於心也皆不
拒而受之故曰博愛之謂仁君試審於此焉其於君之說毋亦有
可以參觀者乎是爲敘

涂詡菴先生曰博愛之義梅崖論之精矣余亦嘗聞之而稱快
焉此文櫟括其說出以高簡可謂善學梅崖者也持此以益潘

君尤可謂善於進言者也

送邑侯李任庭先生序

邑侯李任庭先生治吾邑之八年。奉大憲委署南昌同知。瀕行。邑士民相與攀號而祝其早返也。既而書來。謂將移疾歸家。邑士民益歔歔歎息。恨不能挽留俾之勿去。蓋侯愛民之心。真誠惻怛。其爲政寬大有體。民有訟獄者。或事涉倫紀。輒數月不別。俾其自動。天良與爲調息。故侯之治吾邑。在當時若不見可悅者。而及其去也。輒相與追思愛慕之。而不已。此非所謂安靜之吏。惴惴無華月計。不足歲計有餘者乎。吾邑在江右西南隅。界閩之邵武郡。萬山鱗疊。土瘠而民貧。鮮有可耕之地。其地之所產。亦不足以供一邑。

之食是以逐末者衆而山水迴環風氣所感民又憚於棄父母妻
子而遠商於外於是闔境而與鄉黨鄰里市故吾邑疆土縱橫不
過數十里而爲質肆者亦且數十蓋有千金數百金之產輒張一
肆以逐什一之利焉究之曾不得比於通都大邑之一小販也而
習尙浮夸衣服宮室務爲華靡親賓酬接子女婚嫁歲時燕饗游
戲徵逐競虛飾觀美以耀衆人之耳目小民囿於鄉井寡所聞見
見若此者輒以富厚稱之其實一室之內仰事俯育常不能給焉
故吾邑所號爲富室者常不轉盼而貧且無以自存矣其所爲富
者本虛名也仕驥竊私憂之閒爲侯言之侯深悉其然躬節儉欲

漸以化之而謂此亦縉紳士大夫之責也凡以公事見者侯輒勤
勤懇懇相約共勸導之比年來稍有識者亦共知習俗之非矣倘
得侯益久於其任其真誠惻怛之心益深入乎斯民庶幾其可返
樸而還淳革薄而從忠將漸有富庶之實矣乎顧遂援知止之義
而去也侯之所以自處者善矣其如吾民何哉雖然侯之去而其
真誠惻怛繫於吾民之心者益以深也維侯亦知其繫於吾民之
心也侯豈忽然於吾民者哉詩曰樂只君子民之父母侯固吾邑
之父母也他日者不出則已出則例當更由吾邑發聞其庶幾廣
續前美乎此吾邑士民之望也侯甫蒞吾邑之年仕驥舉於鄉實

一○筆○終○轉○曲○折○折○無○限○情○緒○皆○於○言○外○見○之○

由侯賓與之繼乃遂得以師弟子禮歲時謁見。今於其去也。爰見諸文。顧此實邑士民之公心。而非仕驥一人之私言也。時乾隆四十二年歲在強圉作噩夏五月。

林平園先生曰。立言有體。卽李侯爲政不務赫赫之名。專求培植本根。亦表裏具見。中間寫本邑風土人情。隱寓補救維挽深意。粹然徵儒者經術。

贈同年楊枝山序

自古賢臣子孫之能世守其家澤者。宋之呂范二家爲最。呂氏家法嚴謹。又得賢師益友相與講明儒術。遂世衍其傳於弗替。范文正公敦本卹族。禮賢愛士。俾其子孫日從賢士大夫游。耳濡目染。莫非仁義道德之事故。二家後裔至今猶傳遺澤。而范氏所傳尤廣。雖散處不一。其賢豪之繼起者。依然文正公之風也。我清江楊勤慤公。今之呂范也。其爲人外和內剛。似文正。其居家簡重。似正獻。其子孫之賢。亦不愧呂范二家。余嘗習於同年友枝山。而歎公之流澤遠也。枝山爲公之孫甫冠。成進士。靜穆恬憺。無佻達矜躁。

之習既釋褐而歸日閉戶讀先世遺書嘗寓余書惟勤勤以問學
爲事而不及其他今年秋相遇於章門別四年矣視其貌加抑氣
亦益斂甚矣枝山之能日進其德也斯固勤慤公之所甚望於後
人者哉枝山勉之矣其日奉公之遺範而與兄弟羣從率而行焉
傳之而弗墜吾知繼呂范而稱世家者必在楊氏矣乾隆三十九
年中秋黎水魯仕驥序

亦從昌黎化出而風味於歐公爲近

受業饒慶豐識

贈同年董邁三序

德興董君邁三與余同年舉於鄉。又同年成進士。於是需次而歸省也。又與余同舟。君年少。嘗兄事余。余性拙而顛。輒以弟畜君。君偶有過。余未嘗不盡言相規也。而君遇余益謹。君好讀書。每有所感發。輒悲歌激烈聲。與淚迸。余以是知君性情之真。而其心之大。可用也。夫是心也。千古聖賢豪傑之所以自立。人道之所賴以常昭者也。君有是心。由此而擴之以聞見。要其中體之以不息。吾惡能測其所至哉。今方以少年成進士。越數年。例當爲令。有父母斯民之責焉。書曰。若保赤子。保之以是心也。君歸其益務讀書以養。

此心與古聖賢豪傑相漸相靡他日施之於用爲循吏爲名臣度
幾不失其所以自立者而於
朝廷取士之意亦無負矣乎君將與余別求余贈言余旣甚重君
於是正言以告之

深醇微密逼真曾文定公之文

受業饒慶童識

送黃文在會試序

余之先本郡城黃出也。往年朋試於有司。諮諏所由。知與文在同。系因就訪君。君蕭然一室。讀書力古人之行。不妄與人交。察余之素辱善余。余自是每至郡城。則過君相與談論不輟。君爲余稽所自出世荒遠。不能得其派別。輒相與歎太息而已。今年君以尙書領鄉薦。將計偕北上。來與余別。以君之才。取科第固素所蓄積也。然持其所守以遊於世。得毋病其迂乎。君能不自以爲迂而固守之。則其所全大矣。余方幸得科第。自京華歸。蓋幾不自保其迂者。以是告君。君思之。其必有以自保也。

韓理堂曰子固之深醇介甫之峭切兼而有之

贈張克遠序

余友張君克遠精儒術而通於醫嘗與余言以風俗之奢儉貞淫
○轉○蓋○得○昌○黎○之○深○者也○
勤惰之故而決其人之仁壽鄙夫因以相其病之在腠理血脈者
而予以湯液焉雖其病甚難爲君不忍坐視也必爲之精心以思
其故而冀其或一效雖必不可效君亦任勞任怨而不忍辭然其
瀕於死而得君之治療以復甦者亦多矣故余甚重君之爲人與
○二○句○東○上○平○鈞○之○力○
之居雖累日夜而不厭也今者

聖天子哀西蜀邊氓之病於金川赫然興問罪之師

特開川運之例以網羅遺逸之才君奮然思出其所學以用於世

來告於余。卜行期。君行矣。君本儒者。既以儒術觀世之道。通於醫。其治療亦屢獲效矣。今出而仕。寧不可以通於醫者。轉而爲政。以見儒術之非迂疎乎。先儒有言。一命之士。苟留心於愛物。於物必有所濟。君固以愛物爲心者也。焉往不濟哉。雖然。君之去而平日邑里之賴君以生者。幾何人。悵悵然深懼其病而無所於告也。君其能漠然於懷乎。詩曰。維葉與梓。必恭敬止。又曰。式遄其歸。吾願君乘時而出。宦旣成而早歸。以慰此邑里之人之私也。於其別。書以約之。

筆筆如生龍活虎。不可捉搦。其精神逼真昌黎。匪獨其面目之

裴大司空六十壽序

大司空新建裴公。於今歲孟冬之朔年六十。公弱冠登朝。以瓊瑋博達之才。受

主知備

顧問。踐歷清要。至是三十餘年。其文章勛業。著聞海內。爛乎若雲漢之爲章。鏗乎如金鐘大鏞之遠揚也。而公好學不倦。虛衷若谷。每於退直之暇。輒集僚友。講論掌故。商榷古今。下至山林樵悴之士。有片長足錄一善可采者。亦相與咨嗟太息。不忍忽置。國家教澤深厚。人才日出。天下之士。際會風雲。莫不共慶彙征。騷

首

皇路而公猶汲汲勤勤若此蓋古大臣盡心謀國莫先樹人惟其以人才爲性命故隨其所值而無不中心藏之也仕驥幼年於本朝得讀安溪李文貞公新城王文簡公之書察其行事輒感慨欣慕未嘗不想見其人及得以先世之誼拜公於里第又未嘗不歎大臣之用心固先後如一也自仕驥識公以來於今十年公聞望日隆天下士之受其甄陶者日衆而仕驥始得以不肖之身上春官復拜公於邸第辱公所以訓誨者甚備旣成進士以親老將南還需次於家念公懸弧之辰不得從子弟往從容稱觴爰書其

平。日。所。知。於。公。者。以。爲。祝。在。易。泰。之。三。日。不。遐。遺。而。漢。之。四。日。渙。
其。羣。元。吉。蓋。大。臣。好。善。所。以。爲。國。而。非。以。植。黨。營。私。也。抑。晉。之。上。
日。晉。其。角。維。用。伐。邑。井。之。上。日。利。於。不。息。之。貞。自。古。大。臣。保。福。祿。
而。享。遐。齡。率。由。斯。道。仕。曠。不。揣。謬。妄。輒。效。獻。芹。曝。菑。之。愚。爲。侑。觴。
之。具。公。其。一。笑。而。領。之。也。乎。

風度宏整音節冲和末段援引易義尤高古楊文貞公東里集

中得意文字 受業黃嵩齡識

黃悔亭先生暨配潘太夫人雙壽序

乾隆三十五年上章攝提格之歲。恭逢

皇上六十萬壽。明年

皇太后八十。於是

天子廣錫類之仁。隆作人之化。

特開恩科。賓興天下士。而吾友黃君金門。以尙書舉。江西鄉試。金門。悔亭先生之子。而素堂先生之孫也。年方弱冠。嶄然見頭角。榜出。同舉之士。無不歎而服者。既燕鹿鳴。謁舉主。逾月。孟冬。爲太母潘太夫人五十設帨之辰。而悔亭先生亦於明年孟春五十。於是

金門將計偕北上。同舉之士咸思所以稱觴於先生之堂。而以爲壽之文屬仕驥。仕驥辱遊於先生三世間。而又辱與金門同與斯舉。其何能辭。惟先生生而爲名家子。胚胎前光耳濡目染。皆古賢俊經綸事業。其於鄙俗之見。無足動其意者。其舉於鄉也。年亦弱冠。其爲人磊落豪宕。曾爲學博士。以伉直不苟合。而歸優游林園。惟日課子以讀書繼先志爲務。夫人能嫗其德。日理中饋兼綜繁庶。凡一切家人生產事。不以擾先生。故有以成先生之高。而能相與教其子以有成。蓋先生豁達大度。簡節而疎目。夫人柔順恭謹。條理井然。所謂剛柔相濟。易簡不煩。此風火家人之位。內外各得。

其正以致順而大吉是宜克有令子而享康強逢吉之休者也。今金門獲雋。正先生與夫人稱慶之日。人莫不以此爲先生榮而先生視之泊然若無所與非。其中有大過人者。能如是乎。然則世俗頌禱之言。固不足進於先生。而凡同譜子姪。惟日與金門相切劘。俾其由此而上克繼素堂先生之業。而大其施。是則先生之志。亦夫人之志也夫。

韓理堂曰體莊

徐筠亭先生八十壽序

綏安徐筠亭先生。少爲名諸生。甫壯。爲名進士。其出而仕也。爲賢
邑令。爲良刺史。其仕之方顯。而年之方及艾也。卽汲汲然承太夫
人之志。歸養於家。創祖祠。立祭田。敦本卹族。爲孝子。爲慈孫。於是
推錫類之仁。爲一邑立義學。設學田。宏獎後進。爲

朝廷興賢育才。其暇日。筆之於書。壹皆訓俗型方之意。無在不以
濟人利物爲心。蓋歸然爲一邑之鉅人。長德又三十餘年。於是年
八十矣。仕驥往來先生之邑。久聞其風。心竊慕焉。顧未得閒進而
請見也。今年春。與先生之孫曰家恒。家泰者。遊得盡讀先生所著

之書與其所自譜。益歎先生之人之不可及。蓋誠於爲仁者矣。先
儒有言。仁者以天地萬物爲一體。後世之士。封已以自私。專利而
不厭者。此無他焉。一身之外。彼皆隔膜視之。而未嘗知其甘苦也。
故聖人之傳易曰。君子體仁足以長人。其示人以觀象之要曰。天
行健。君子以自強不息。夫能體仁。則天地萬物皆舉之矣。自強不
息。則誠矣。先生之自少而壯而老。由諸生而科第入仕。以至於歸
養。綜其所爲。無不壹出於仁。非誠於爲仁者。能如是乎。傳曰。仁者
壽。注家以爲靜而有常之故。有常誠也。靜者無欲之至也。靜而有
常。則是慈愛惻怛之意。積於中。運行不息。而精神於以完固。蔚草

於以充實其年命之久長自有非常數所可測者。今觀先生之誠於爲仁。又惡能極其壽之所至耶。先生誕降於康熙丙子元日。今獻歲元日正八十壽期。仕驥辱與先生諸孫遊。况其慕先生也久。義當進而請見。乃先期稱觴於先生之堂。而書此以爲乞言之具。先生其將何以教仕驥乎。

打疊幾層融貫一片以宋儒之語詰經讀之。但覺蔚然漢氣由其筆力高古也。

祝邑侯李任庭先生壽序

兩漢儒者深於經術其出而治民也類多以循良顯故有所居當時無赫赫名而去後嘗繫人思者有方去而民不忍其去相與祝其復返者有既去復來而兒童懼迎於道路者蓋聖人之言曰君子學道則愛人小人學道則易使也道非虛器六經所垂禮樂刑政張弛損益之迹是也儒者治經通於其意其心虛其氣醇其治民也其見於禮樂刑政張弛損益者有悱惻愛民之實而無操切強民之勞於是民之受其治者有懽欣和樂之風而無促迫畏懼之苦上下相安君子小人各得其分以成此治也斯學道之效也

非君子之學道。亦惡能化小人而使之學道乎哉。故夫兩漢儒者之深於經術。所謂學道之君子也。邑侯李任庭先生以經術世其家者也。先生以乾隆三十五年來治吾邑。越七年以四十二年春調署南昌同知。遂以疾去。去五年以四十六年冬復來治吾邑。方先生之甫治吾邑也。不求赫赫之名。而惟盡其悱惻愛民之實心。發爲悱惻愛民之實政。此七年中。吾邑之民亦但覺懽欣和樂相與安之已耳。及其去而攀轅號呼不忍其去者。相屬於道也。旣去五年而民之思先生者。日未有已也。聞其復來而懽欣鼓舞以迎者。又相屬於道也。吾邑之民之愛先生如此。非先生之學道愛人。

其能致吾邑之民如此之愛乎哉。於是先生重修前政。既數月。民益思所以將其愛者。相與爲壽於先生之堂。蓋幽詩七月之篇曰。勿酒斯饗。曰殺羔羊。躋彼公堂。稱彼兕觥。此幽民之爲公劉壽也。公劉當日。西方一小諸侯耳。而其民之愛之者如此。今之知縣。天子所命。有地方百里。視古諸侯所治。故尊之曰邑侯。然則吾民今日之爲壽於先生之堂也。其亦猶行古之道乎。先生昔之去吾邑也。仕驥會紀其事。又作文以送之。今於吾民爲壽之期。復爲此文。進於先生。傳曰。美成在久。其先生體聖天子愛養斯民之意。重修前政。益敷學道之效於吾邑。吾邑民

山才集卷三
之愛而願祝先生也有窮極歟時乾隆四十七年歲在壬寅夏四月

平實質慤逼真曾子固文字

族父厚畚先生五十序

兩漢儒者以經術飾吏治。其自州郡而游歷公卿。著勲績。垂竹帛者。不可勝紀。三國尙武力。六朝崇元虛。吏不省儒術。儒亦羞言吏事。至唐而其風未改。五季尤甚。爲吏者皆武人也。豈吏之不可爲。與抑儒術之疎也。宋懲其弊。始用士人知州郡事。自是真儒輩出。咸以吏治爲兢兢。歐陽文忠公以文章名者也。其與人言。每及政事。而不及文章。謂文章止於潤身。政事乃能及人。程子曰。一命之士。苟留心於愛物。於物必有所濟。况州郡乎。吾族父厚畚先生。家世儒術。弱冠舉於鄉。年四十乃成進士。出而爲吏於河南。轉徙數

縣所至民皆安之其移而去他境也皆攀留愛惜不忍其去蓋先生爲政不求赫赫之名而一與民以休息其肫誠惻怛之意自堂戶之上以至四境之內無不洞見其心年今五十矣傳曰五十命爲大夫服官政推先生之所爲由此而歷方面晉卿尹將荀卿子所謂大儒之效庶幾可見歟仕驥之生也後先生十年自幼而學於先生好講求古今治術源流辱先生之所以期許之者甚厚今年幸邀鄉舉將上春官過河南而省先生蓋欲觀先生所以設施居注之方而考論平日所講求者得失何如而先生曰吾何爲哉吾惟無擾民而已由先生之言而思其所以得民者兩漢儒者之

風不在是歟。時改歲元旦。爲先生壽。期爰書此。質於先生。以爲壽。
韓理堂曰名論

霽堂先生六十壽序

霽堂先生少以羣從兄弟受業家大人之門仕驥甫就傳又受業於先生宗族之義師弟授受之情非尋常所可擬也家大人艱於嗣息年四十始舉仕驥是時正先生受業之時先生每課業畢輒來護視仕驥攜持保抱與保母相易疾痛疴癢爲之抑搔先生之於仕驥非獨嚴師且兼父兄慈母之道也家大人年今八十有三先生年六十仕驥亦四十有四矣先生不數日輒來省視家大人家大人偶思得人與談輒走介請先生先生至輒相與劇談終日夕先生之於家大人非獨羣從弟子直不啻骨肉手足也先生年

今雖六十而膚革潤澤精神充盛僅如四五十歲人有子四人伯子餽於庠序仲子方以鄉舉遊太學叔子任家政季子及諸孫隨侍左右讀書一門之內融融然人皆羨先生所履之盛極人生之樂也先生誕期以孟秋二十九日先生不欲爲世俗侈靡之舉先期戒諸子俾無設譙速賓諸子亦順承其意不敢違顧仕驥於先生安能已也於是從諸子稱觴於堂而序其所以以爲壽

直起直收親切質實無一浮泛語如此壽文安得謂其非古受
雲識

陳太夫人壽序

凝齋陳先生之配楊太夫人年七十先一年詔諸子曰吾行年七十幸生太平之世荷天地祖宗之德自爲爾家婦及見爾祖若父與爾兄弟後先成名吾以一婦人上邀

皇恩疊受

封章吾之所得厚矣吾方懼涼德弗克以稱爾兄弟毋復以世俗稱觴之舉重我戾且吾念鄉黨鄰里之饑者寒者彼其父母衣食尚且不給而我坐受子孫之奉且更以母難之日妄費貲財吾弗忍也爾兄弟能體吾意曷以稱觴之資轉而爲周急之用吾心亦

安矣。於是諸子以凝齋先生所藏備鄉里緩急之穀三千石推與里人經理。而又捐租田數百畝以爲維持經久之計。其附近村落之謀畜積置義倉者來告或千石或四五百石。二三百石無不各厭其意而去。屆壽期各鄉鄰之受其惠者咸欲致其頌禱。而太夫人又命諸子堅辭之於戲太夫人之所見者遠且大矣。竊嘗論之財賄者天地之所生以資人用者也。用之不當則耗靡而有虧竭之虞。用之克當則樽節愛養而財且日出。今夫富貴之家日饜粱肉被服錦綺安安而食嘻嘻而處當其時豈慮力有不足顧未免耗靡耳。及其義所當用又不能不有虧竭之虞而生顧惜之心則

○有○於○已○有○必○有○於○人○此○當○貴○上○之○所○以○名○得○也○

其○用○之○不○當○者○也○。綜○太○夫○人○之○生○平○。自○少○而○壯○而○老○。爲○賢○婦○。爲○令○妻○。爲○壽○母○。無○日○不○勤○於○婦○事○。其○衣○服○安○於○布○素○。飲○食○惟○啖○麤○糲○。有○寒○素○所○不○能○堪○者○。而○至○於○振○恤○貧○乏○。雖○厚○費○而○不○之○計○。其○所○以○樽○節○愛○養○。以○善○其○用○者○。至○矣○。今○屆○爲○壽○之○期○。卽○稍○豐○。豈○足○爲○過○然○。以○つひつひと富貴を而能く長く有る者未有不潔斯義者也太○夫○人○歆○然○不○足○之○心○處○之○。匪○惟○慮○其○耗○靡○於○財○。抑○且○深○有○盈○滿○之○懼○。而○所○以○溥○其○用○於○至○公○者○。仁○愛○之○心○更○未○有○已○也○。其○所○見○之○遠○。且○大○爲○何○如○哉○。仕○驥○幼○以○嫗○戚○侍○學○於○凝○齋○先○生○。於○太○夫○人○之○行○事○。稔○知○且○悉○。於○是○敘○其○所○以○以○爲○世○勸○。若○夫○壽○年○之○長○。固○太○夫○人○之○德○之○所○必○有○。而○鄉○黨○鄰○里○之○頌○於○途○。禱○於○室○者○。且○靡○有○窮○期○。

矣。是爲序。

前路敘次高潔後幅推論財用盈絀之故深切暢透亦有關世

教之文

受業吳喜識

寧母陳孺人六十壽序

寧君立孚與余先後受業梅崖先生之門。今年春始相遇。講業考藝。懼然相得也。其冬立孚以母氏陳太孺人年六十來徵壽言於余。余與立孚同事一先生。有登堂拜母之義。詎得以不文辭。雖然立孚豈未聞知乎。昔者有魏國太夫人之爲母。因以有歐陽文忠公之爲子。然惟有歐陽文忠之爲子。而魏國太夫人之賢益見其休美。遂傳於無窮。不然。晝莪之教。安貧有待之操。古今以來。賢婦人或亦有能之者。而魏國太夫人不數見何哉。立孚事梅崖先生。學古人之道。聞修辭立誠之旨。其立言固不敢以虛美誣其親。

今其稱陳太孺人之所以事其舅姑相其夫子及所以教育其子者與魏國太夫人之志行何異然則立孚亦勉爲文忠而已余既與立孚同事一先生有登堂拜母之義愛卽以勉立孚者爲太孺人壽太孺人聞之其亦有暢然於心而欣然爲之舉觴者乎卽以是質於梅崖先生其不謂然乎

徐心一日如此爲壽乃真壽也文辭蒼渾古勁直入介甫之室

徐節母壽序

綏安之山多秀傑。其水清澈無滓。其鍾於人也。士大夫類皆敦尚廉節而善爲文辭。其蒸爲風教也。閭巷之間。閭門之內。皦皦然人懷潔清之行。余每遊其地。留連愛慕。樂其風俗之美也。今年徐生虞尊來從余遊。以其所爲叔祖母黃孺人事畧示余。因乞余爲脩觴之文。余稽其行。孺人自弱歲立節。撫遺孤於艱難。况瘁之日。事其舅其姑。以天年終。養生送死。皆盡其禮。教子若孫。俾克成立。至於今六十餘年。年八十餘歲。而清操彌厲。矍然不滓。孺人可謂賢女子矣。其孫某克盡孝養。歲時稱觴上壽。欲得馨香之辭。以揚其

懿美是固。孺人純節之所感而然。亦天之所以報孺人者哉。夫天處高而其聽卑。節行者人身清明之氣之所積而成。可以上通於天而無愧者也。故自古節婦之後。每多賢達。此非徒天之閔其節而降以福也。蓋清明之氣固上天之德。而氣之所感。可以上通者。卽足以下達。則子孫之賢固前人節行之所流。而天又安得不祐之哉。然則孺人之節固宜有賢孫曾者出而應山川之靈。以彰孺人之賢。已是爲序。

末段論天人徵應之理極微至

受業徐家泰識

徐節母艾孺人七十壽序

余與建寧徐君心一同出梅崖先生之門。有兄弟之誼。乾隆四十年。曾以通家子稱。觴於心一之祖筠亭先生之前。因拜其母艾孺人於堂下。孺人節婦也。歸心一之父。未數年而夫沒。筠亭先生閔其年少守志。乃選於伯兄之孫。得心一。命孺人撫之以繼其世。心一爲孺人子時。年十五矣。先是廢學。孺人乃請於筠亭先生。仍命之學。心一固穎敏勤學。而孺人更與筠亭先生。內外交督之。孺人督之尤嚴。於是心一益自勵於學。甫冠。遊庠序。爲名諸生。旣而更師事梅崖先生。以通經學古爲業。梅崖先生嘗稱之曰。心一有用。

才也。余之稱觴於筠亭先生也。館於其居之西。所謂嘯月亭者。與心。一日。夕聚處。講論古今文藝。尊釋師訓。心一有子顯璋侍側。方成童。婉變娟秀。心一屬余字之。余爲字曰質甫。而作文以勗之。不二年。筠亭先生棄世。心一繼逝。余哭之深。念孺人之處此甚難也。旣而孺人更以督其子者督其孫。去年冬。余遊樵城。質甫應童子試。見賞於大賢朱石君先生。以第一人附入縣學籍。來見余。余叩其學。深喜心一之有子。而悲其不及見也。而又以慶孺人得見其孫之學之成也。今年質甫書來。謂孺人年七十。書其事乞余爲侑觴之文。夫孺人之善事舅姑。睦娣姒。仁於娣戚。恩逮僮婢。皆婦人

所難而尤難者在於教其子若孫也然則世俗爲壽之禮不足爲
孺人榮質甫其亦愛其身以勤其學斯所以壽孺人者矣是爲序
情深而文明纏綿婉摯神似歐陽子得之壽文中亦爲僅事

仲正公家廟義田記

古者有大宗之法以繫屬一族之人有小宗之法以明親屬記曰
別子爲祖繼別爲宗繼禰者爲小宗有百世不遷之宗有五世則
遷之宗百世不遷者別子之後也宗其繼別子之所自出者百世
不遷者也宗其繼高祖者五世則遷者也此大宗小宗之說也大
宗之法凡族人之饑者寒者皆衣食於宗子其富貴而有餘財者
亦必歸於宗子故宗子死族人皆爲之齊衰三月宗子而無後族
人必求其賢且才者立而繼之故曰寧絕小宗無絕大宗大宗者
所以繫屬一族之人也故宗法立而一族無窮困無告之人推之

天下而天下無窮困無告之人何也人各有族族各有宗孟子所謂人人親其親長其長而天下平也自宗法廢而人之生也渙散○蒼○牌○無所繫屬雖同爲一父之子隔膜不相顧者有之至於親盡服絕益漠然無所動於中矣至宋范文正公創立義田以瞻族於是仁人君子咸師其意倣而行之故由宋以迄於今世家大族未有無義田者也明唐荆川氏曰義田者其大宗之遺乎其起於大宗之廢乎顧又曰義田立而大宗之名愈隱義田非甚厚有力不可爲而宗法雖百金之產亦可通嗚呼宗法未易言矣仁人君子惻然溯身所從出而敦一本之愛幸有文正公遺法在焉能不以其力

之所及。勉而循之也哉。且有義田而絕者。必繼。不能自立者。必興。立之族有宗子。但從而加厚焉。宗法未嘗不寓於其閒也。吾家以仲正公爲始祖。旣創立家廟。修祀事。而族父厚畚先生曰。義田之立。不容緩矣。吾力雖不足。勉以百金爲之倡。其我族人有同志者。歲增月益。擴而充之。可乎。於是以此百金置田。姑先其至急者。稍周卹之焉。其他日田畝果益增。而規條始可得而立也。蓋吾家自仲正公以清白傳家。世守儒業。不知治生事。其仕宦者亦勉承先訓。廉俸之外。鮮有畜積。其於昔賢遺烈。雖未嘗不企而慕之。而要苦於力之莫及也。今先生既有以倡之矣。他日有大力之子孫出。

焉。卽義田以維宗法。則吾族大宗之亡已久。世次相及。猶有可繼者。尙相與扶植而維持之也哉。仕驥不肖。謹記其緣起以告來者。懇惻而有條理。字字從肺腑中流出。讀此始知古聖緣人情而制禮。信不虛也。受業吳喜識

十六都同仁倉記

篁嶺於吾邑十六都稱盛。自明以來羅氏爲著姓。其附近村落皆務農力穡。自饒衣食。然繁庶皆不如篁嶺。蓋其地在山谷之中。獨平衍。樹木叢蔚。水泉甘冽。民安其居。或終身不入城市。不爲浮薄巧僞之習。所移故其富庶能久。乾隆四十年邑之諸鄉村各建義倉。而篁嶺亦率附近村落共立一倉。其耆老羅君國棟及其從子太學景綸實倡首。各捐穀數十石。因而和者踵起。而太學更爲竭力經紀以總其事。余偶過其地。羣導余至倉所。周視垣牆包藏深固。環觀諸村落遠近適宜。羅君之爲此可謂一視同仁者矣。余因

以名其倉。而諸君之意。尙恐其蓋藏未裕也。更因余商之余姉娟。陳君約堂。約堂復捐四百石以應之。余因是有感焉。夫富貴之家。日積金錢。多市美田宅。扃鐃閉閤。其視鄉黨鄰里之困苦。漠不一動其心。甚而親戚骨肉之間。計有無。爭多寡。雖甚飢寒。不收卹焉。非其心不仁也。大抵爲子孫計。長久耳。然不旋踵而子弟席其餘蔭。不知稼穡之艱難。傲慢自將。驕奢淫佚。又或徂詐益甚。貪鄙無厭。同室操戈。禍起蕭牆。而先業忽已蕩盡矣。以余耳目所聞見。如此類者。不可勝數。甚可歎也。昔邑之前輩楊懷簡先生。當明之中晚。以其畜積賑饑。平糶數十年。居鄉里。凡可以濟人利物之事。靡

所不爲。當時稱爲盛德長者。至於今垂二百年。而子孫之富貴。方
駸駸日盛。由是觀之。人之爲子孫計。長久者宜何如哉。今篁嶺諸
君。不私其有。而有同仁之心。吾見茲土之日盛也。抑余尤願諸鄉
鄰。聞篁嶺之風。而慨然興起也。於是爲之記。

纏綿悱惻。痛切透暢。讀此而不動心者。未之有也。受業吳喜識

十七都綏和倉記

新城之西鄉十七都公村。營爲大潘氏其著姓也。環公村而居者。村落蕃布。皆務農力穡。自足衣食。故十七都獨稱殷盛焉。余家中田距公村十有五里。與潘氏世爲姻戚。乾隆四十年秋。偶遊茲里。辱潘氏諸君子言。念舊好。留連款宴。暇中過其祖廟。見新立義倉。規模備具。心甚敬之。而諸君子慨然謂余曰。吾族之爲此舉。蓋慮年歲豐歉不齊。有不足於食者。得以周之也。抑又念諸村落之中。平時雖稍稱殷實。而偶遇歉歲。亦甚難支。更欲立一義倉。以備合都賑饑之用。聞中田陳君有惠及鄉鄰之意。其獨遺我乎。當是時。

余姊壻約堂陳君念積貯爲備荒善策而民自爲積尤便於官爲之積頗勸諸鄉鄰及時各舉斯事有來商者量捐穀以應之余因潘氏諸君子之言歸諭約堂約堂亦輸三百石焉而潘氏諸君子竭力經紀其事倉成來告曰願有記以垂久遠也余於是歎潘氏諸君子之能與人爲善也倉曰綏和蓋寓輯睦鄉鄰之意尤深遠矣。

嘗讀朱子諸社倉記各因土俗而立之教真聖賢之心切於斯民者也先生諸倉記懇懇惻惻言近旨遠可謂心朱子之心者矣
受業黃得恒識

樓足以憑高而望遠也。門之外更設外垣。其中縱橫十餘丈。爲曝
晾園場。又於倉右遵

大清會典品官家廟之制。立祠堂以祀立軒公之祖章明公。合之
爲陳氏義莊。其規模畧如范氏義莊之制。諸君子此舉。蓋推立軒
公之心上。及其祖欲使凡爲章明公子孫有志者。皆得以讀書治
事於此莊。蓋義莊也。而寓義塾之意焉。旣歲事二。中書君謁余。請
記嗚呼陳氏之世德遠矣。自章明公生明天崇之際。以其身力任
鄉里之事。解衣推食。息爭救患。至於毀家。而其子西菴公居貧力
學。廉介自守。爲名諸生。洎立軒公崛起。遂以善治生大其家。然不

自封殖殷殷以周恤宗族鄉黨爲念。凝齋先生碩德醇儒。善承父志。義田平糶諸法。皆稽之古。昔酌乎時。宜務期底於盡善。足垂久遠。而後已。今諸子又能恪遵先生之教。時時增修其法。推及本原。立莊規模。闕大堅固。欲使後之增擴義田者。不煩別營倉儲。語曰。爲善必有後。不其信乎。不其信乎。初范文正公義田千畝。贍其高祖以下。闔門百餘口。無貧富貴賤。皆衣食其中焉。蓋古者合族以食。大功同財之遺意也。其後踵而行之者。每遽而推之於始祖以來。意專主於周卹貧賤。而凝齋先生益精其義。始之以勸學。繼之以鰥寡孤獨廢疾之養。又繼之以婚喪之贈。而於節婦尤加意焉。

蓋養也而教在其中矣。傳曰：美成在久。先賢有良法，至後人益得繼續而精之。法之所以不墜也。文正公始置田千畝，至忠宣公遂廣爲三千畝，傳七百餘年，至

國朝其子孫尙有增千畝者。其遺澤之長如此。今陳氏義莊之建，諸君子皆有日擴而大之心。其傳之無窮，吾知必如范氏之義莊，久久弗替也。仕驥自成童，學舉業於凝齋先生。於先生之居家，正本制用，孝友睦婣，任卹之舉，皆得與聞。而又嘗侍於立軒公，習知其祖考世德甚悉。故於二中書君之請，詳記之以勸好義者。

楊北溪曰：事本足以風世，文敘次詳整，而一唱三歎，使人讀之

有躍躍爲善之心